

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 13-472-2/19. od 04.04.2019. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa VD Direktor Mr. Zijad Memišević (u daljem tekstu: Ugovorni organ)

i

2. **„KAMER COMMERCE“ d.o.o., ul. Blažujski drum br. 14, Sarajevo**, registrovan kod Općinskog suda u Sarajevu (matični broj subjekta upisa 1-19093), identifikacijski broj kod Porezne uprave FBiH Kantonalni ured Sarajevo 4200086440001, identifikacijski broj obveznika PDV 200086440001, koga zastupa Direktor Tupo Emin (u daljem tekstu: Dobavljač)

dana 05.04.2019. god., u Sarajevu zaključuju

UGOVOR O NABAVCI

Član 1.

Ugovorne strane su saglasne da Dobavljač za potrebe Ugovornog organa, prema svojoj Ponudi broj: 61-0-2019 od 03.04.2019. godine i zahtjevu Ugovornog organa broj: 13-472-1/19 od 02.04.2019. godine izvrši **nabavku i isporuku profesionalnih usisivača za potrebe Službe servisnih usluga KJU „Gerontološki centar“ Sarajevo (6 komada), i to:**

Tehnički podaci za 6 profesionalnih usisivača:

Sljedećih karakteristika:

- protok zraka 130 m³/h
- podpritisak 190 mbar
- zapremina spremnika 22 lit
- snaga motora 1300 W
- broj motora 1
- težina bez pribora 5,7 kg
- dimenzije 380 x 370 x 480 mm
- strujni priključak 220 V
- promjer usisnog crijeva 35 mm
- dužina usisnog crijeva 1,9 m

Osnovni komplet minimalno treba da sadrži:

- usisno crijevo 1,9 m
- plastična cijev 2x 0,5 m
- usisna papučica 300 mm
- papučica za fuge da
- filter vrećica + pes filter 1 kom

Usisana stopa DN 35, 6 komada

Filterske vrećice za profesionalni usisivač, od filsa, troslojne, čvrste, min. pakovanje 5/1, min.20l, 125 komada

Član 2.

Dobavljač se obavezuje da će robu, koja je predmet ovog Ugovora, isporučiti u skladu sa zahtjevima Ugovornog organa i svojoj ponudi, te da će u slučaju isporuke neodgovarajuće robe, koja ne udovoljava zahtjevima Ugovornog organa ili robe sa skrivenim manama koje se nisu mogle odmah uočiti, prihvatiti povrat takve robe i o vlastitom trošku isporučiti odgovarajuću robu.

Član 3.

Ukupna ugovorena vrijednost predmetne nabavke iznosi **5.867,52 KM** bez pripadajućeg PDV, odnosno **6.865,00 KM** sa pripadajućim PDV.

Ugovorena vrijednost predmetne nabavke je fiksna do kraja izvršenja Ugovora.

Član 4.

Ugovorni organ se obavezuje da će plaćanje ugovorne vrijednosti predmetne nabavke iz člana 3. ovog Ugovora izvršiti nakon cjelokupne isporuke robe, u ukupnom iznosu, u roku od 7 dana po ispostavljanju fakture-računa Dobavljača, na njegov transakcijski račun broj: 1610000009310071, otvoren kod Raiffeisen bank dd Sarajevo. Plaćanje će se vršiti u KM.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom. Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

Član 5.

Dobavljač se obavezuje da profesionalne usisivače (6 komada) i usisne stope (6 komada) isporuči u roku od 5 dana od dana obostranog potpisivanja ovog Ugovora, dok će filterske vrećice za profesionalni usisivač isporučiti najkasnije u roku od 30 dana od dana obostranog potpisivanja ovog Ugovora.

Ukoliko Dobavljač zakasni sa izvršenjem ugovorenih obaveza, dužan je platiti Ugovornom organu, za svaki dan zakašnjenja u izvršenju ugovorenih obaveza, ugovornu kaznu, u iznosu od 2% od ugovorene cijene predmetne robe sa čijom isporukom je zakasnio.

Ugovorni organ se obavezuje da Dobavljača odmah obavijesti o svakom kašnjenju u izvršenju ugovorenih obaveza, na osnovu koje je Dobavljač obavezan umanjiti iznos fakture za plaćanje u skladu stavom 2. ovog člana.

Ugovorne strane su saglasne da je za slučaj neizvršenja ugovorenih obaveza Dobavljač dužan platiti Ugovornom organu, ugovornu kaznu u iznosu od 5% od ugovorene cijene predmetne neisporučene robe.

Pored prava iz stava 1., stava 2. i stava 3. ovog člana, Ugovorni organ ima pravo naknade štete, ako je ista prouzrokovana ovim neizvršenjem ili zakašnjenjem.

Član 6.

Ukoliko u toku izvršenja ovog Ugovora nastupe okolnosti koje se u vrijeme zaključenja Ugovora nisu mogle predvidjeti, a koje utiču na njegovo hlagovremeno izvršenje, Ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Dobavljač je dužan da o nastalim nepredviđenim okolnostima zbog kojih je ometan u izvršenju Ugovora pismeno obavijesti Ugovorni organ.

Član 7.

Garancija za isporučenu robu iznosi 12 mjeseci od dana isporuke robe.
Dobavljač je dužan obezbjediti servis, rezervne dijelove i potrošna sredstva za predmetnu robu.
Dobavljač odgovara za skrivene mane i nedostatke na robi, koji se nisu mogli odmah uočiti.

Ugovorni organ je obavezan da obavijesti Dobavljača o svim skrivenim nedostacima na robi koji se nisu mogli odmah uočiti, i to u roku od 7 dana od dana uočavanja takvih nedostataka, i da zahtijeva njihovo otklanjanje najkasnije u roku koji je ugovoren za isporuku.

Ako do isteka roka iz stava 2. ovog člana Dobavljač ne postupi po zahtjevu Ugovornog organa, Ugovorni organ može raskinuti Ugovor i zahtijevati naknadu štete.

Ukoliko se radi o neispravnosti isporučene robe koja se ne može trajno otkloniti, Dobavljač se obavezuje da će u roku od 2 (dva) dana Ugovornom organu isporučiti ispravnu robu, bez bilo kakvih mana i nedostataka.

Član 8.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 9.

Odredbe ovog Ugovora mogu se mijenjati samo uz pismenu saglasnost obje ugovorne strane.

Ovaj Ugovor se može raskinuti pismenim putem i to sporazumno ili po zahtjevu jedne od ugovornih strana, ukoliko su nastali bitni razlozi za raskid ugovora.

Član 10.

Ovaj Ugovor stupa na snagu danom obostranog potpisivanja od strane ovlaštenih osoba ugovornih strana.

Član 11.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je Općinski sud u Sarajevu.

Član 12.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

DOBAVLJAČ:

KAMER
BROJ: 13-472-4/19
Sarajevo, 08.04.2019

UGOVORNI ORGAN:

BROJ: 13-472-4/19
Sarajevo, 08.04.2019. godine


